

Mosebetsi wa mehleng wa SARS o fumana kahlolo ya ho hlola tjhankaneng dilemo tse 12

Tshwane, 24 Pherekong 2022 – Mosebetsi wa mehleng wa Ditshebeletso tsa Lekgetho tsa Afrika Borwa (SARS) Bilal Shaik o ahloletswe ho hlola tjhankaneng nako ya dilemo tse 12 bakeng sa boqhekanyetsi, mokunyata, ho tsamaisa tjehelete ya mokunyata mmoho le ho hlatsuwa ha tjehelete e kana ka R6-million.

Shaik o ile a hlololwa ho thusa boqhekanyetsi ba dipusetso tsa VAT bakeng sa dikhampani tse tharo. Le ha ho le jwalo, tjehelete ena e ile ya qetella e le akhaontong ya banka ya Shaik mme yena e sebedisetsa mabaka a hae.

Moqusuwa wa bobedi, Kyle Nadasen ya emetseng Kyle Nadasen CC, o ile a ahlolelwa boqhekanyetsi, mokunyata le ho tsamaisa tjehelete ya mokunyata. O ile a ahlolelwa ho hlola tjhankaneng nako ya dilemo tse tshela, tseo kaofela ha tsona di fanyehilweng nako ya dilemo tse hlano, ha feela e le hore moqusuwa enwa ha a fumanwe molato tlasa karolo ya 4 ya Thibelo ya Bonokwane bo Hlophisitsweng (POCA), ka nako ena ya phanyeho.

Moqusuwa wa boraro, Miloni Chetty, eo e leng setho se le seng sa ILONIM General Traders, ha a fumanwa molato diqosong kaofela ha tsona.

Lekgotla le utlwile hore baqusuwa ba fane ka di-invoese tsa leshano ka sepheo sa ho fumana pusetso e sa ba tshwanelang ya VAT.

Khomeshenara ya Ditshebeletso tsa Lekgetho tsa Afrika Borwa (SARS) Edward Kieswetter, o ile a ananela kahlolo ena e matla e fumanweng ke mosebetsi wa mehleng wa SARS e leng Bilal Shaik le Kyle Nadasen.

“SARS e keke ya mamella boitshwaro ba bonokwane bo etswang ke basebetsi ba yona. Ena ha se taba eo ho ka buisanwang ka yona; ka ha balefalekgetho le bahwebi ba lokela ho tshepa mokgatlo ona le basebetsi ba ona ho sebetsa ka tsela e nang le botshepehi. SARS e ikemiseditse ho thafalletsa le ho etsa hore ditjeo e be tse hodimo bakeng sa diketso tsa bonokwane tse mabapi le lekgetho ntle le tshabo, leeme kapa ka tsela e inkelang diqeto. SARS e kgathatswa ke ba bang ba rona ba etsang diketso tsa bonokwane. Re tla ba tsutula ka metso” Khomishenara o tswetse pele ka ho rialo.

“Boitshwaro bo jwalo ba bonokwane bo thunthetsa seriti sa setheo sena sa bohlokwa demokrasing ya rona se tshepetseng hore balefalekgetho le bahwebi ba ikobeletse tefo ya lekgetho ka boithaopo hore ho tle ho phethwe thomo ya ho bokella lekgetho le tlang ho sebediswa ho tswela Mafrikaborwa ohle molemo, haholoholo ba fumanehileng le ba kotsing ya ho utlwiswa bohloko,” ho rialo Mong. Kieswetter.

Ho fumana lesedi le fetang lena, ikopanye le SarsMedia@sars.gov.za